

pel auch dy gemelten Hanns vnd Melcher Bressen vor-
 hynn getan forder yn tzukunftigen tzeyten thuen ful-
 len vnd werden Vnd haben en vnd eren erben alle ful-
 che gutter zcu rechten brudirlichn gesammelten lehn
 gereycht vnd gelegen, leyen vnd reychen en dy yn
 craft vnd mit macht dießes brieffes also das sy und ere
 erben fulchir guttir woran dy synt vnd wy dy mit allen
 zugehorungen vnd genyssen gelegen synt, nichtis
 aufgenommen. Isundir yn allirmose als sie die von
 vns zu Leln haben zcu rechten brudirlichen lehn mit
 eren rechten leibes lehns erben besitzen vnd gruglich
 gebrauchen sullen vonn einem an den andern zcu ko-
 men adir an ire erben wy vfte vnd dicke das not seyn
 wirt. Ouch hot der mher gemelte Baltzar Oppeln alle
 feyne Guttir dy ym von seynem veterlichen gute gebo-
 ren mögen, woran dy ouch seyn keynis awfsgeloffenn
 yn vnser hende vfgeloffen vnd gebeten, fulche feyne
 guttir denn gnanten Hannsen vnd Melcherrn Bress-
 nern seynen stiffsionen vnd eren erben ouch mit ym
 zcu fulchen brudirlichen gesammelten lehn leyen
 wolden, dem wir ouch durch seyner fleissigen bete vnd
 willige dinsten willen also getan vnd yn fulche feyne gut-
 tir dy im geboren mögen von seynem veterlichen gute
 yn dem dorffe *Hazelow* adir wo dy synt von vnns zcu
 lehn rurende alle fsamptlich zcu brudirlichn lehn ge-
 reicht vnd gelegenn, dy zcu gebrauchin vnd zu be-
 sitzenn mit eren erben vnd von eynem an den andern
 zcu komen, wy uben bestymt vor vns vnsern erben
 nochkomender herschaft vnd vor ydermeniglich vnge-
 hyndert. alles vnsern herlichkeiten dinsten vnd yder-
 mannes gerechtikeit vnshedelich. Hirbey synt zcu
 getzeuge gewest dy Irbarn vnser Mann Hofegesinde
 vnd getrawen lieben Baltzar Unwürde zcu Olbersdorf,
 Petir Gebeltzigk zu Wellirsdorf, Caspar Schoneiche
 zu Soraw, Hans Quofs zcu Czachs Dorf, Hans Ge-
 bel-